

UZIMISELE NGENDONDO YEGOLIDE ONCIPHISE IZIFUNDO

MZWAMANDLA ZONDI

UZIMISELE ngokubuya nendondo yegolide uSamkelo Hadebe kuma-Paralympic games azoqala ekupheleni kukaNewaba (August) eLondon.

UHadebe obanjwe wugesi eneminyaka eyisi-9 ubudala kwaholela ekutheni anqunywe izandla uzokube enza ibanga lika-100m ne-4x100m relay.

Ekhuluma neLANGA uthe, ngendlela ajabule ngayo ngokumela iNingizimu Afrika kule midlalo uze wanciphisa izifundo zakhe ukuze akwazi ukugxila kuma-Paralympic eLondon.

"Selifezekile iphupho lami le minyaka, lokufaka imibala yeNingizimu Afrika kuma-Paralympic. Isifiso sami esikhulu ukubuya nendondo yegolide. Bekufanele ngiqede izifundo zami nonyaka kodwa sengizoqeda ngonyaka ozayo," kusho uHadebe owenza unyaka wokugcina kwezomthetho e-University of Johannesburg, eGoli.

Ngaphandle kokugijima lo msubathi ubuye enze izinkulamo ezakhayo kanti udume ngokutshela abantu abakhubazekile ukuthi ukukhubazeka makungabi isithiyo empilweni yabo.

Ngowezi-2010 ubeyingxenye yeqembu lakuleli ebelikuma-Commonwealth Games lapho ebuye nendondo yesiliva ebangeni lika-100m.

Kusenjalo abeSascoc bamemezele iqembu labasubathi abangama-66 abazokubayingxenye yale midlalo. Iningi labasubathi likhethwe kwiSouth African National

Championships ebiseThekwini.

Phakathi kwabasubathi okubhekwe ukuba babuye nezindondo kule midlalo kukhona o-Oscar Pistorius, Zanele Situ, Zandile Nhlapo, Natalie du Toit ukubala abambalwa.

Selilonke iqembu lididiyelwe kanje, **kubasubathi:** Tshepo Bhebe, Dyan Buis, Andrea Dalle Ave, Pieter du Preez, Charl du Toit, Arnau Fourie, Ilse Hayes, Hilton Langenhoven, Anrune Liebenberg, Michael Louwrens, Teboho Mokgalagadi, Jan Nehro, Zandile Nhlapo, Jonathan Ntutu, Oscar Pistorius, Anika Pretorius, Samkelo Radebe, Casper Schutte, Union Sekailwe, Zanele Situ, Zivan Smith, Marius Stander, Duane Strydom, Fanie van der Merwe noChenelle van Zyl.

KwiCycling: Roxy Burns, Madre Carinus, Stuart McCreadie, Jaco Nel, Ernst van Dyk noGerhard Viljoen.

KwiEquestrian: Anthony Dawson, Philipa Johnson, Marion Milne noWendy Moller.

KwiRowing: Sandra Khumalo.

KwiSwimming: Renette Bloem, Charl Bouwer, Natalie du Toit, Emily Gray, Achmat Hassiem, Hendri Herbst, Marike Naude, Kevin Paul, Shireen Sapiro noTadhg Slattery.

KwiWheelchair basketball: Justin Govender, Siphamandla Gumbi, Stuart Jellows, Kyle Louw, Luvuyo Mbande, Gift Mooketsi, Richard Nortje, Kobus Oeschger, Marius Papenfus, Marcus Retief noJaco Velloen.

KwiWheelchair Tennis: Evans Maripa, Sydwell Mathonsi, Kgothatso Montjane, Lucas Sithole.